



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VII. Quod tenet excommunicatio post appellationem ante interpositam.

urn:nbn:de:hbz:466:1-15588

ANNO CHRIJTI 1179. ci super his, si ab alterutra parte adducti fuerint, in testimonium recipiantur.

C A P. VI. *Idem H. Rhemensis archiepiscopo.*

Cum sit Romana ecclesia caput & magistra omnium ecclesiarum, disponente Domino, constituta, & ad eandem consultationes & quaestiones de diuersis mundi partibus referantur, quod eam super variis quaestionibus consulis, gratulamur, & prudentiam tuam non immerito commendamus. Inde est quod fraternitati tuae taliter respondentes, praesenti scripto duximus respondendum: Si frustratoria dilationis causa vel etiam necessario ante sententiam vel postea fuerit appellatum, huiusmodi appellationibus annus indulgetur: aut si necessaria & euidens necessitas apparuerit, indulgetur biennium: nisi forte iudex, a quo appellatum fuerit, secundum locorum & prouinciarum distantiam & qualitatem temporis, recisus tempus fuerit moderatus, infra quod si is qui appellauerit, causam appellationis non fuerit prosecutus, sententia tenebit, si post sententiam appellauerit; & a causa sua cecidisse videtur: nec amplius super eodem negotio audietur appellans. Si vero a grauamine & ante litis ingressum fuerit appellatum, huiusmodi audietur appellans, quoniam sacri Canoness passim appellare permittunt. Si vero ante sententiam appellauit, cogetur illius stare iudicio, ad quem noscitur appellasse. Si autem in agro vel alias ante causa ingressum fuerit appellatum, non solent dici huiusmodi appellationes, sed ad causam prouocationes. Praeterea si raptor sit vel alias violentus detentor alienae rei is qui appellat, huiusmodi appellatio in iudicio facta apud ecclesiasticas personas solet audiri, nisi manifestissimus raptor vel fornicator existat, sicut ille, quem absentem & non requisitum ^{1. Cor. 5.} Apostolus excommunicauit.

Frustratoriam tenere appellationem.

C A P. VII. *Idem eidem in eadem epistola.*

Si duobus coram non suo iudice litigantibus, alter ad nostram, alter ad sui iudicis audientiam appellauerit, & ille qui ad suum iudicem appellauerit, ad diem appellationis veniens, appellasse se ad eum proponit, eo tacito, quod aduersarius eius ad audientiam Romani pontificis

Concil. Tom. 27.

Bbbb

Tenete ex-
communi-
cationem
post appel-
lationē iu-
ste interpo-
sitam.

appellasset, si legitime citatus non venerit, nec aliquem mi-
sit responsalem, aut etiam alias parere contemnit, & in
eum excommunicationis sententiam tulerit: tenebit ex-
communicationis sententia in eum pro contumacia pro-
mulgata, nisi agnouerit eum iudex ad audientiam no-
stram appellasse. Denique in fine quæstionum tuarum
quæris, si a ciuili iudice ante iudicium vel post ad no-
stram audientiam fuerit appellatum, an huiusmodi ap-
pellatio teneat. Tenet quidem in his, qui vestræ sunt epi-
scopali iurisdictioni subiecti: in aliis vero etsi de consue-
tudine ecclesiæ teneat, secundum rigorem iuris tenere
non credimus.

C A P. VIII. *Idem Vuigornienſi episcopo.*

Ceterum cum aliquam causam contigerit tibi, appel-
latione remota, fuisse commissam, & aduersa pars post
factam citationem iter arripuerit ad sedem apostolicam
veniendi, nihilo minus poteris in negotii cognitione se-
cundum iuris formam procedere; quod vtique si ante ci-
tationem factam iter arripuerit, non est aliquatenus pro-
cedendum.

C A P. IX. *Idem Vuigornienſi episcopo.*

Incidens
principali
præiudicat.

Super eo quod a nobis tua sollicitudo requisit, vtrum
sententia pro appellatione, quam ex incidenti quæstione
fieri sæpe contigerit, fuerit suspendenda, licet causa fue-
rit, appellatione remota, commissam: prudentiæ tuæ duxi-
mus respondendum; quod si de aliqua exceptione sub-
oriatur quæstio, & exinde appellationem fieri contingat,
eidem exceptioni erit merito supersedendum: & si princi-
palis causa sine illa terminari non poterit, ei nihilo minus
supersedeatur. Si autem aduersa pars de falsi suggestionem
in appellationem proruperit, non est sententia propter
hoc differenda, si in literis commissionis appellationis ob-
staculum inhibeat.

C A P. X. *Idem eidem in eadem.*

De appellationibus quæ in causis minimis fiunt, tuam
volumus cognitionem tenere, quod eis, pro qualicum-
que leui causa fiant, non minus in illis, quam pro maiori-